

OFFERYNNAU STATUDOL CYMRU

**2015 Rhif 1795 (Cy. 255)**

**TAI, CYMRU**

**Rheoliadau Tai (Hawl i Brynu) (Ffurflenni Rhagnodedig) (Cymru) (Diwygio) 2015**

*Gwnaed* - - - - 12 Hydref 2015  
*Yn dod i rym* - - 19 Hydref 2015

Mae Gweinidogion Cymru yn gwneud y Rheoliadau a ganlyn drwy arfer y pwerau a roddwyd i'r Ysgrifennydd Gwladol gan adran 176(1) a (5) o Ddeddf Tai 1985(1) fel y'u hymestynnwyd gan adran 26(3) o Ddeddf yr Iaith Gymraeg 1993(2) ac a freiniwyd bellach ynddynt hwy(3).

**Enwi, cychwyn, cymhwyso a dehongli**

1.—(1) Enw'r Rheoliadau hyn yw Rheoliadau Tai (Hawl i Brynu) (Ffurflenni Rhagnodedig) (Cymru) (Diwygio) 2015 a deuant i rym ar 19 Hydref 2015.

(2) Mae'r Rheoliadau hyn yn gymwys o ran Cymru.

(3) Yn y Rheoliadau hyn, ystyr "Rheoliadau 2015" ("*the 2015 Regulations*") yw Rheoliadau Tai (Hawl i Brynu) (Ffurflenni Rhagnodedig) (Cymru) 2015(4).

**Diwygio'r hysbysiad yn hawlio arfer yr hawl i brynu**

2.—(1) Mae Rheoliadau 2015 wedi eu diwygio fel a ganlyn.

(2) Yn Rhan Ch o Atodlen 1 (pwy sy'n gymwys a gostyngiadau) yn lle "sef £16,000" rhodder — "sydd mewn grym o bryd i'w gilydd".

**Arbediad a darpariaeth drosiannol**

3. Nid oes dim yn y Rheoliadau hyn yn effeithio ar ddilysrwydd unrhyw hysbysiad a roddwyd cyn 19 Hydref 2015 os rhoddyd yr hysbysiad ar ffurf a ragnodir gan Reoliadau 2015, neu ar ffurf y mae ei heffaith yn sylweddol debyg iddi.

(1) 1985 p. 68.

(2) 1993 p. 38.

(3) Trosglwyddwyd swyddogaethau'r Ysgrifennydd Gwladol, i'r graddau yr oeddent yn arferadwy o ran Cymru, i Gynulliad Cenedlaethol Cymru gan erthygl 2 o Orchymyn Cynulliad Cenedlaethol Cymru (Trosglwyddo Swyddogaethau) 1999 (O.S. 1999/672), ac Atodlen 1 iddo. Trosglwyddwyd y swyddogaethau hynny wedi hynny i Weinidogion Cymru yn rhinwedd paragraff 30 o Atodlen 11 i Ddeddf Llywodraeth Cymru 2006 (p. 32).

(4) O.S. 2015/1320 (Cy. 118).

---

**Statws** *This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.*

---

12 Hydref 2015

*Lesley Griffiths*  
Y Gweinidog Cymunedau a Threchu Tlodi, un o  
Weinidogion Cymru

---

## NODYN ESBONIADOL

*(Nid yw'r nodyn hwn yn rhan o'r Rheoliadau)*

Mae'r Rheoliadau hyn yn diwygio Rheoliadau Tai (Hawl i Brynu) (Ffurflenni Rhagnodedig) (Cymru) 2015 ("Rheoliadau 2015") sy'n rhagnodi ffurf hysbysiadu penodol o dan Ran 5 o Ddeddf Tai 1985 ("y Ddeddf") sy'n ymwneud â'r hawl i brynu, a'r manylion sydd i'w cynnwys yn yr hysbysiadu hynny. Mae'r diwygiad yn ymwneud â'r ffurflen ragnodedig sydd i'w defnyddio gan denant diogel sy'n hawlio arfer yr hawl i brynu yn unol ag adran 122 o'r Ddeddf.

Mae rheoliad 2 yn diwygio Atodlen 1 i Reoliadau 2015 i roi cyfeiriad at yr uchafswm yn lle swm gwirioneddol uchafswm y gostyngiad yng Nghymru yn y ffurflen ragnodedig sydd i'w defnyddio gan denant diogel sy'n hawlio arfer yr hawl i brynu yn unol ag adran 122 o'r Ddeddf.

Ystyriwyd Cod Ymarfer Gweinidogion Cymru ar gynnal Asesiadau Effaith Rheoleiddiol mewn perthynas â'r Rheoliadau hyn. O ganlyniad, ystyriwyd nad oedd yn angenrheidiol cynnal asesiad effaith rheoleiddiol o'r costau a'r manteision sy'n debygol o ddeillio o gydymffurfio â'r Rheoliadau hyn.